

ITLF BULLETIN

A Publication of ITLF Media & Publicity Department

VOLUME I-ISSUE NO 28

INDIGENOUS TRIBAL LEADERS' FORUM

THURSDAY 6 JULY 2023

Hruaitute Delhi-ah Zin

Sawrkar laipuiin kan ram buaina chungchangah kan hruaitute kawm an duh avangin vawiin hian ITLF hruaitute Delhi lam panin an zin. Kan political demand “Total Separation from Maipur” hi Delhi-a kan Hruaitu zinte hian nghet taka an dinpui theih nan duhsakna sang ber kan hlan a ni.

Thu kan hriat danin July 7-ah Director Intelligence Bureau nen an inhmu ang a, July 8-ah Home Secretary nen inhmu lehin July 9-ah Home Minister nen an inhmu dawn a ni.

Kan hruaitute hian kan demand leh kan dinhmunte huaisen taka an sawi theih nan tute pawhin tawgtainaah I hre theuh ang u.

Thu belhchian dawl a nih leh nih loh hriat ni chiah lo mah se, Prime Miister-in August 15 Independence Day-ah keini tan eng emaw tal khawvel hriatah puan chhuah a duh nia sawi a ni.

ITLF Hruaitu Delhi-a zin mekte hi Pu Pagin Haokip, Chairman; Pu Muan Tombing, Secretary leh Pu Thangzamang Hangsing, Ex- Officio te an ni a. An awm loh chhung Pu Letpu Haokip-in Overall Co-Ordination charge a la ang a, Pu Hauneilal Vaiphei in Chairman charge lain Pu Chikhup Tombing in Secretary charge a la dawn a ni.

ITLF in Website thar nei

July 3, 2023 khan ITLF Media Cell hmalaknain ITLF official website hawn a ni. Website thar hawngtu hi Rev. Dr. L.H. Jacky Simte a ni a, Pathian hnena hlantu Rev. Dr. Lamboia a ni.

ITLF website thar link address hi <http://itlfmediacell.com> a ni a, a chhungah hian ITLF Press Release te, Bulletin te, Document pawimawh hrang hrang te, Video hrang hrang leh thlalak te dah a ni. ITLF letterhead hmangin Press Release lem (fake) vawi eng emaw zat Meitei hoin an chhuah tawh a, tunah chuan Website kan neih tak avangin Website-a dah ni lo Press Release reng reng chu a lem (fake) a ni tih awlsam takin a hriat theih tawh dawn a ni. Tute pawhin he website hi tangkai thei ang bera hmang turin tan I la ang u.

ITLF Women Wing leh ITLF Planning Department siam a ni

Rokhawlhna vanga ITLF Women Wing hun eng emaw chhung tihtawp lailawka awm chu June 30, 2023 khan din thar leh a ni a, hemi rual hian tulna avangin ITLF Planning Department pawh din a ni. ITLF Women Wing Convenor atan hian Mary Jones thlan tlin a ni a, ITLF Planning & Rehabilitation Convenor atan Kham Guite ruat a ni.

Tun dihmuna ITLF hnuaia department hrang hrang awmte chu hengte hi a ni – Finance Department, Relief & Medical Department, United Tribal

Volunteer, Legal Cell, Media Cell, Women Wing, Student Wing, Steering Committee leh Planning & Rehabilitation department-te an ni.

David Thiek lu tantu hriat ni tawh

July 2, 2023-a Langja khua Meitei hovin an va run khan in 28 hal a ni a, village volunteer pakhat David Thiek chu a lu tansak niin a taksa chan darhin meiah hal a ni. Social Media lamah David-a lu khai lai lem hi hmuh theiha a awm avangin nasa takin lu tantu leh a khaitu ni bawk hi chhui zui a ni a, Ithai Barrage-a awm Mairembam Romesh Mangang s/o Achouba Sigh a ni tih hriat chhuah a ni. Amah hi Kumbi MLA Sh. Sanasam Premchandra Singh PRO niin Manipur Sawrkar leh Meira Paibi-te nena theih tawpa Kuki-Zote chihmih tumtu zinga mi a ni.

School Kai la remchang rih lo

Directorate of School Education, Manipur in July 3, 2023-a order a chhuah dungzuiin July 5, 2023 atang Class I – VIII thleng-te chu School kai tawh tura tih ni mah se kan ram buainain ziaawm lam a pan loh avangin kai theih a la ni rih lo. Hemi thuah hian United Tribal Volunteer, ITLF-in July 1, 2023 khan thuchhuah siamin kan ram a la ralmuan loh avangin School hawn loh phawt nise a ti a ni. Tin, thuchhuahah hian nitin deuh thaw ramri-ah inkahna a la awm reng avangin tute pawh fimkhur turin a chah a ni.

— ZALENNA ATAN INPUMKHATNA A PAWIMAWH —

Thla hnih dawn chu tribal movement kan kalpui ta a, tun thlenga kan Inpumkhatna hi a ropui hle. Pathian tapuina leh kan tanrualna avangin kan hmelmate hian an duh dan leh tum dan ang ngawt chuan min la ti thei lo a ni. Kan hmelmate hian a sang teltein min bei thin mahse tlu lova kan la din reng theih vang hian Pathian ropui ber rawh se.

Kan hmabaka kan political demand “Total Separation from Maipur” hi kan hmuh theih ngeina turin Inpumkhatna bawk hi a pawimawh chho zel dawn a. District hrang hrang-a tlangmi Kuki-Zo fate hi rilru hmun khat pua ke kan pen rual zel chuan hneh loh tur an awm lo. Tunah hian Lamka leh Pherzawl district-ah ITLF-in hma an la a, chutiang bawkin Kangpokpi district-ah Committee on Tribal Unity (COTU) in hma lain Chandel District-ah Kuki Chief Association (KCA) leh Tengenoupal District-ah Hill Tribe Council (HTC) ten hma an la bawk a a lawmawm hle. Kan sawi tak pawl hrang hrangte leh kan MLA 10-te bakah SoO group-te nen kan tanrual chuan kan thil tum hi kan hlawhtling ngei a rinawm.

Chuvangin mipuiten kan hruiute thlawp thiamin Inpumkhatna chawi nung chungin kan inthural lohna thlen thei thilte dah thain a hrana inrelbawlna kan neih theih ngeina turin rilru leh tha sengin l tang rual zel ang u. Meitei-te atanga zalen kan duh a nih chuan tanrualna lo chu kawng dang a awm lo a ni.

- ✓ Buai tan tirh atangin ITLF-in sawrkar laipuih memorandum 15 a pe tawh a Press release 28 siam tawhin Public Consultation meeting wawi 2 a huaihawt tawh bawk a ni.
- ✓ Joint Praise Programme waviin July 6, 2023-a neih tura ruahman chu remchan zawkna avangin a hun sawnhlat a ni.
- ✓ Lamka khawpui chhunga Protest emaw kawngzawh emaw ‘Wall of Remembrance’ hmun a hun hmang emaw turte chuan ITLF-ah hriattirna neih hmasak zel a tha ang.
- ✓ Meitei in leh lo emaw dawr emaw reng reng ITLF hriatpuina tel lo chuan tu man hralh emaw hnam dang luah tir emaw loh tur a ni.
- ✓ Thihna emaw Hliam tuar emaw In leh lo chan emaw zingah FIR la theh lut lo kan awm chuan ITLF Legal Cell-te hnenah a rang lama inhriattir tur a ni. Legal Cell-te hi Lamka Govt. College, Hiangtam Lamka-ah eng tik lai pawhin pan theih an ni.
- ✓ Kan ralthuam neihte leh kan siamchhuahte hi thil lawmawm a nih rualin Social Media-a kan pholan hian kan hmelmate tan remchanna kan siam theih avangin pholan loh nise a duhawm.
- ✓ Sawi tur leh Sawi loh tur chin a awm avangin duh duhin Press leh Mediate a pawng ataka lo kawm ve ngawt hi thil tha ber a ni lo. Raldona leh Media-a indona hi thil kal kawp tlat a ni a, tute pawh fimkhur theuh ang u.

UPDATE TILL 06 JULY 2023

109
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: Lamka Govt College, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: Lamka Govt College, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch